

欽定古今圖書集成

方輿彙編職方典



欽定古今圖書集成方輿彙編職方典

第六百七卷目錄

重慶府部彙考一

重慶府建置沿革考

重慶府疆域考

有圖

形勝附

重慶府星野考

重慶府山川考一

職方典第六百七卷  
重慶府部彙考一  
重慶府建置沿革考  
本府

職方典第六百七卷

重慶府部彙考一

重慶府建置沿革考

本府

總志

禹貢梁州之域周武王時為巴子國秦惠文王  
與楚共滅巴置巴郡漢因之治江州劉璋遷治  
安漢即今西充縣分置永寧郡仍治江州未幾  
以永寧為巴郡治安漢者為巴西與固陵為巴  
東有三巴之號晉改永寧曰巴都郡宋齊復名

巴郡梁於巴郡置楚州西魏改巴州後周改楚州隋初郡廢改渝州大業初州廢尋復爲巴郡唐天寶改南平郡屬劍南道乾元初復爲渝州五代時王建孟知祥繼有其地宋初又爲巴州崇寧初改恭州陞重慶軍節度以其地界紹慶順慶之間故名元初設宣撫司後改爲路置總管府至正末爲明玉珍僞都明洪武四年玉珍歸附仍爲重慶府領州三縣十一

皇清因之

巴縣

周巴子國漢爲江州蜀漢改巴郡後周改巴城縣隋爲渝州唐因之宋爲巴縣元併璧山入焉明因之編戶八十一里爲重慶府附郭

皇清因之編戶四里

江津縣

漢江州縣屬巴州西魏改江陽縣後周因之置七門郡隋廢郡改今名唐天寶中改屬南平郡宋因之元屬重慶路明因之編戶三十八里隸

重慶府

皇清因之編戶三里

長壽縣

本楚黔中地漢為枳縣地晉屬巴郡唐置樂溫

縣元因之明改為今縣編戶二十七里隸重慶

府

皇清因之編戶二里

永川縣

本渝州壁山地唐分置屬昌州宋因之元併入

大足明復置編戶二十里隸重慶府

皇清因之編戶二里

榮昌縣

本資州內江縣唐置昌元縣為昌州宋因之元

改昌寧縣明改榮昌縣編戶二里隸重慶府

皇清因之編戶七甲

綦江縣

宋屬南平軍元置南平綦江長官司屬播州明

改綦江縣編戶二里隸重慶府

皇清因之編戶三里

南川縣

漢江州枳縣地唐置南川縣屬南州宋置南平軍後省入隆化縣元併南平軍及隆化入焉明因之編戶四里隸重慶府

皇清因之編戶二里

黔江縣

隋置石城縣屬庸州唐改黔江縣屬黔州宋屬紹慶府元因之明改今縣編戶二里隸重慶府

皇清因之編戶一里

合州

周巴子國亦濮國地秦為巴郡之墊江縣漢因之晉因之宋置東宕渠郡齊以墊江屬寧蜀郡西魏置合州改郡為墊江縣隋改為涪州唐改合州又改巴州宋改縣為石照後遷治釣魚山元併入州明因之編戶四十一里隸重慶府皇清因之編戶二里

忠州

周為巴地秦屬巴郡漢置臨江縣梁為郡唐改忠州以巴蔓子及嚴顏皆忠烈故名宋為咸淳府元為忠州明因之編戶七里隸重慶府

皇清因之編戶二里

酆都縣

漢枳縣地梁置臨江郡隋屬巴東郡唐屬忠州宋因之元併墊江入焉明改今縣編戶四里隸

重慶府

皇清因之編戶一里

墊江縣

漢臨江縣地晉因之西魏分置墊江縣屬渠州唐屬忠州宋省桂溪縣入焉元併入酆都後復置明因之編戶一十二里隸重慶府

皇清因之編戶一里

涪州

周巴國地秦屬巴郡漢為涪陵縣後周徙治漢平縣唐置涪州宋以溫山縣省入後移治三台山元復舊治尋併涪陵樂溫二縣明因之編戶

一十一里隸重慶府

皇清因之編戶三里

彭水縣

漢武陵郡酉陽縣地自三國至梁俱為黔陽地

隋置彭水縣為黔州治宋以洪杜羊水信寧都

儒四縣省入為紹慶府元為紹慶路縣仍舊明

省路仍為縣隸重慶府

皇清因之編戶二里


重慶府疆域圖



界司慰宣州播

貴州界

湖廣界



岳池縣界

隆昌縣界

重慶府疆域考

總志州縣志合載

本府 巴縣附郭

東至萬縣界六百四十五里

西至隆昌縣界二百六十七里

南至播州宣慰司界三百四十里

北至岳池縣界二百三十里

自本府至省城一千二百二十里至

京師八千七百里

東西廣一千五里南北袤五百里

江津縣

東至綦江縣界一百五十里

西至永川縣界九十里

南至播州宣慰司界三百里

北至巴縣界五十里

東南至南川縣治四百里

東北至銅梁縣治三百八十里

西南至合江縣治一百八十里

西北至榮昌縣治二百二十里

自縣至省城一千九十里至

京師五千七百七十里

東西廣二百四十里南北袤三百五十里

長壽縣

東至黃草山涪州界三十里

西至沙溪交巴縣界三十里

南過大江至千佛寺界牌仍交涪州界二十里

北至玉溪里馬路橋交順慶府鄰水界七十里

東北至墊江縣界一百五十里

自縣至本府一百四十里水路一百六十里至  
省城一千一百九十里水路一千六百六十里  
北至

京師五千三百六十里水路七千七百五十里

東西廣六十里南北袤九十里

永川縣 八至缺

榮昌縣

東至永川

西至隆昌

南至瀘州

北至大足

自縣至本府三百一十里

綦江縣 八至缺

南川縣 八至缺

黔江縣 八至缺

合州 八至缺

忠州 八至缺

酆都縣 八至缺

古今圖書集成  
三  
墊江縣 八至缺

涪州

東至三華山抵酆都縣界九十里

西至黃草山抵長壽縣界六十里

南至冷水關抵南川縣界一百里

北至沙河徐家渡抵墊江縣界一百里

東南至牛皮箐分水嶺抵武林司界八十里

西南至鐵瓦寺抵巴縣界一百五十里

自州至本府四百五十里至省城一千六百里

至

京師八千一百五十里

東西廣一百五十里南北袤二百里

彭水縣

東至細沙鋪界于酉陽土司八十里

西至江口鎮界于涪州武林司八十五里

南至龜池界于貴州婺川縣一百里

北至清明山界于湖廣中路唐崖二土司九十

里

東南至桐木溪界于酉陽土司八十里

東北至亭子關界于黔江一百里

西南至洋水界于遵義府真安州七十里

西北至木欒溪界于涪州武林司六十二里

自縣至本府水路七百八十里陸路八百三十

里至省城水路一千三百里陸路一千八百八

十里至

京師水路九千四百里陸路七千五百里

東西廣一百六十里南北袤一百九十里

形勝附

總志州縣志合載

本府

巴縣附郭

華陽國志地勢剛險承三江之會

唐元和志東至魚復西犍道北接漢中南夜郎

舊志環江為池塹崖為城岷涪合流重屋累居

寰宇記巴城在岷江之北漢水之南

唐權德輿黔州觀察使廳記五溪襟帶為一都

會

江津縣

界瀘渝之間鼎山聳前几江繞後

鼎秀為屏岷江為几華蓋列天表之障馬驍壯

北門之籬鶴山太公左右其翼龍門珞峽開闔

其流際水陸之衝紐黔益之會洵川東雄治也

長壽縣

前臨岷江後倚菩提龍溪鳳山環帶左右

桃溪在左桂源在右金龍蜿蜒鳳山翔翥南臨

龍寨半壁摩天北擁羅圍孤峰如削縣互百數

十里望之如重城焉

永川縣

環邑皆山郊外平行西北險絕東南稍平

榮昌縣

山環繞而蜿蜒地寬廣而爽塏

羣峯秀拔二水紆迴巴渝上游陸路衝要東臨

赤水西枕營山北倚長巖最為險固青巒圍其

四畔赤水繞乎東南

綦江縣

左挾瀛山右依石筍

南川縣

據涪之南接播之北

黔江縣

外鎮諸洞內靖涪彭

合州

枕三江之口爲衆水之湊水環巴字山擁飛鳳

地勢峻迫閣道連居山環水繞地美土腴

忠州

東接夔西通涪南連石柱北抵梁山

豐都縣

面江倚山中衍平川

墊江縣

山水環拱土地坦彝

涪州

會川蜀之衆匯控瞿塘之上流川峽陡險山箐

崎嶇

彭水縣

地接荆楚襟帶五溪

控楚連黔山擁摩圍之峻撫苗綏漢江翻溪峒  
之濤扼天險于黔南雄跨劍閣固地維于蜀徼  
勢踞蠶叢當蠻部之襟喉據東川之要隘

重慶府星野考

總志

府總

史記天官書二十八舍主十一州益州爲參分  
重慶當井鬼之次入參三度

Blank page with vertical lines and a large watermark.

重慶府山川考一

府志

本府 巴縣附郭

塗山 在府治東一里岷江南崖高七里北向  
有石中斷曰龍門其下水與岷江通夏禹塗后  
祠故址存焉有路通山

方山 在治東北三十一里高五里東向一名  
凝脂常有雲氣若凝脂狀堯時洪水不沒又名  
浮山無路可通

白崖山 在治西北五十里高二里北向又名

朝陽山有路通山

踰越山 在治西七十里高八里北向其峯峻拔高出衆山因名無路可通

臥龍山 在治東一百一十里高四里南向無路可通

瀛山 在治南二十里高九里南向壁立高峻有四十八面青翠鬱然唐置瀛山縣于此無路可通

來鳳山 在治西一百三十里高五里東向以

形似名無路可通

蹲猊山 在治西一百二十里高七里北向勢若蹲猊無路可通

重壁山 在治西一百三十里高十里北向一名巴山四面高中央平周廻約三百里中有一孤山西北險絕其東南一面坦平因名曰重壁無路可通

南平山 在治南一百五十里高四里南向又名青山無路可通

銷劍山 在治東五十里高七里北向圖經云  
昔人於此銷鐵爲劍無路可通

仙女山 在治西四十里高八里東有路可通  
雲鳳山 在治西四十里高二里東向山有川  
主廟有路可通

屈賓山 在治東南一百里高五里北向

石獅埡山 在治北九十里高十里東向二山  
峭峙四壁皆險絕無路可通

真武山 在治東南一十里高九里北向山勢

高聳山上有真武宮有路可通

楊井山 在治西九十里奇高四里北向山  
上有泉號楊家井有路通山

寨山 在治西五十里高五里上有古寨在合  
州西二十里昔人避亂保聚於此有路通山  
龜停山 在治西五十里高四里南向岷山之  
中宛然如龜形無路可通

四面山 在治北九十里高三里北向四面皆  
同上有金田寺在銅梁北二十里有路通山

霖峯山 在治南一百里高七里西向遇旱禱之輒應無路通山

縉雲山 在府治西八十里高十里北向上有蹲猊峯下有壁水分流左右無路通山

涅槃山 在治東五里高半里向北

蟄龍巖 在治西二十里高五丈北向有泉出

石縫瀉入巖下求雨輒應無路通山

魚鹿峽 在治北二十里高四里北向於中流

突出一石狀如魚一石狀若鹿故名無路通山

洪崖洞 在治西三里一名滴水巖中有巨石

上懸其下嵌空上瀑布瀉出巖刻蘇軾詩

長安洞 在治西八十里洞深一里其水泓深

不可以往

棲真洞 在治西大茆峽內

溫湯峽 在治西南一百一十里上有溫泉

明月峽 在治東五十里高四十餘丈石壁圓

孔形如明月

銅鑼峽 在治東二十里懸崖圓石狀如銅鑼

涪江 由嘉陵江經合州至巴縣北合岷江

巴江 在府城東北閬水與白水合流曲折三

面如巴字

岷江 經府境下長壽至涪州

渝水 自閬中來流至城東與涪江宕渠水合

曲尺灘 在府治北八十里

下巖灘 在府治北七十里

下新灘 在府治北五十五里

替蛇灘 在府治北五十二里

土腦灘 在治北五十里其上五灘水勢略平

丹溪 在府城東南二十里自涅槃山發源經

流五十里至丹溪口與大江合流水色如丹

蛟龍溪 在治東北二百餘里流入岷江側有

古水如蛟龍狀即長壽龍溪河

海棠溪 在治南一里舊多花木昔為渝人遊

樂之地今廢其溪水係大江瀼水遇秋夏水漲

則有溪水涸則溪乾

黑墨潭 在府治西五十里其水黑歲旱於此

祈禱輒應

新井 在治南周封巴子都此因險置城江遠

無水唐刺史黃甫珣鑿石六尺方及泉

清水穴 在治西水清味甘亦名粉水井巴人

以為粉則膏膩鮮明

滴珠泉 在洪崖洞下

梅溪 在治東北自鄰水縣經流至觀音橋入

巴縣界接流六十里至太洪岡十里至偏打正

入岷江合流

江津縣

馬驍山 在治東隔江一里高半里向西昔驍

騎將軍馬藐葬此因名有路通山

鍾秀山 在治北隔江一里高半里向南宋張

商英隱此上有石佛寺又名石佛山有路

白君山 在治北隔江四十里高一里向南昔

有縣令白公修真於此因名今荒山無路

聚寶山 即石子山山多小石在東安門外自

播發脉迤邐千里風氣凝萃卜葬者多發祥焉

華蓋山 在治西北隔江二十五里高一里向南荒山無路

女仙山 在治西北隔江一百二十里高一里向南兩峰峙立昔有羅氏女于此遇仙因名

君井山 在治西隔江四十三里接巴縣之西南壁山之東高半里東向上有井泉名曰老君井有路通山

綾錦山 在治西八十里高一里東向花木如錦因名今荒無路

聖威山 在治西五十里有奇高半里向東祈雨多應因名有路通山

鼎山 在治南一里高半里向北其形如鼎南宋置鼎山縣廢有路通山

固城山 在治東南一百二十里高一里向北荒山無路

龍登山 在治東南一百里高一里向西宋太祖潛時常登因名上有虎跳嶺雙峰絕頂有井泉又有龍塘石蟹四圍石壁高聳有二路可升

珞璜山 在治東七十里高一里西向卽巴中記所謂峰窮峽也今荒無路

雲篆山 在治東九十里高一里西向山勢如鸞之翔雲氣飛揚如篆因名有路通山

石筍山 一在治東二百里平地一石突起高二十餘丈旁有石磴可升絕頂方平容十數人上有石刻棋枰對奕今現存一在治西隔江一百里二山相峙如筍插天絕頂有石牀丹竈右一石池水溢不竭汲盡頃刻復盈

馬鞍山 在治西五十二里高半里

碁盤山 在治南三百里高一里有路通山

岷江 上自瀘州合江縣界經流一百八十里至縣治環繞狀如几字又名几水順流五十里至巴縣銅罐驛東注

巨蟹泉 自縣北鍾秀山下發源自石孔流出邑人祈雨得黑蟹卽雨因名

寨溪 自鼎山下山谷發源流半里入城環帶學宮繞流半里至大通橋復流出城下大江

樂城溪 在治西三十里自馬鞍山下山谷發源經流二十里至德明橋六十里至馬駿橋又五里入大江合流不通舟楫

笋溪小河 在治南三百里自棋盤山谷發源經流十里至續昌橋一百五十里至牛渡一百五十里至南江口合流入大江

綦江小河 在治東自綦江白渡接流八十里經龍登山下又一百里至南江口入大江合流遊溪 在治西四十里自壁山縣鬪牛石流十

里經華蓋山下二十里入大江合流不通舟楫龍門灘 在治西上水十五里大江內石梁如門水漲甚險

七門灘 在治東四十里下水大江內有七石橫江望之如門因名

魚池 在治北岷江十里中一沙洲水源自上則分流半里至魚池又半里復流入江水漲池淹水涸池現

天水池 在治北隔江二里鍾秀山之上其水

無源四時不竭爲春遊之所池中得石者生男  
得瓦者生女

長壽縣

鳳山 在治西一里高半里南向以形得名在  
大道旁有小道通山

牛心山 在治西十里高五丈以形似名在大  
道旁

樂溫山 在治西四十八里高一里南向其地  
溫燠稻穀早熟名曰樂溫無路通山

長壽山 在治東北七十里高三里南向有小  
路通山

漏明寨山 在治北四十里高一里南向山皆  
石壁中有孔漏明兩旁互見有小路通山

雲臺山 在治北八十里有奇高一里南向上  
有雲臺觀故名今毀有小路通山

三峯山 在治西十里南向三峯高三里

菩提山 在治北十里高半里南向上有菩提  
寺故名有小路通山

天臺寨山 在治北四十里有奇四面陡峻先  
爲天臺寺後遭亂居民避居於上

岷江 在縣前上自巴縣接流下至涪州東注

龍舌灘 在治東南六里水落石出狀若龍舌

三江灘 在治西三里江中湧二沙堆水分三

岔經流五丈餘仍合流因此得名

不語灘 在縣東八里舟人過此如多言則勢

洶湧不語則平易故名

桃花溪 在治東二百里上有桃花洞因名其

溪水自老龍洞發源經流三十里至桃花洞五  
里過新橋入大江合流不通舟楫

玉溪 在治西北七十里溪水自鄰水縣發源  
經流界內二里復入鄰水

永川縣

鐵山 在治東二十里高一里西向石色如鐵  
有小路通山

同心山 在治東二十里高二里南向與石筍  
二郎二山相連故名無路通山

桂子山 在治北十里高一里南向上多產桂  
無路通山

龍洞山 在治西北二十里高一里下有洞

盧龍山 在治南十里高一里東向有路

石松坪 在治西南六十里高一里南向通瀘

州小道

箕山 在治北十里高一里北向無路通山

壁山 在治西南十五里高一里南向一名茅

菜山上有唐刺史趙延之廟今廢

縉雲山 在治北二十里高一里東向接巴縣

西界一名鳳凰山

龍梭山 在治北三里高一里東向有路

龍瑞山 在治南十里高一里西向無路

湯峽口山 在治西北二十五里高一里

文曲水 在治東溪水東來纏繞縣城四面盤

旋故名文曲

涪水 在縣治城外一水自東一水自西一水

自南三江匯碧故名涪水直達松子漑

松子漑 在治南一百里發源龍洞山別流下

大江東注

八角井 在治西南十里

張公井 在治北二百餘里治平中夏旱知縣

張本覓井得石掩舊井深四丈餘汲之不竭

儒林井 在儒學前教諭李時鑿井深六丈底

一竅泉從中湧

榮昌縣

馬面山 形似馬面因名在治南三十里高一

里東向無路

白塔山 在治北二里高三里南有小路

北山 在治東二里高一里南向唐置城於此

今廢無路

五桂山 在治東高一里西向無路

寶頂山 在治東十里高五里北向因寺得名

有小路

迴萬山 在治東三十里高二里西向無路

龍王山 在治東北四十里高四里無路

陔山 在治東北四十里高四里南向無路

牛口山 在治東南六十里高三里西向無路

米糧關山 其形似關因名在治東二十五里

高一里西有小路

化龍關山 其形似關因名在治東三十里有

奇高一里南向無路

玉口山 在治東南九十里高一里北向無路

巫林山 在治東北三十五里高一里西向無

路

艾山 在治南十里高一里南向無路

石龍岡山 在治西一十里高五里東向其山

環拱若龍鱗因名有小路

三華山 在治西二里高一里三峯峭立無路

磁窰山 卽老淮山在治西三十里高三里南

向無路

銅鼓山 在治北一百里高一里南向無路

葛仙山 在治東十五里高一里西向旁有大

道通末川

青松山 在治東三十里高半里北向無路

馬鞍山 在治南二十五里高一里東向無路

慶雲山 在治南六十里高一里無路

觀音灘 在治北二里溪水自順慶府安岳縣

發源經流大足縣過榮昌縣路通孔河接流二

十八里至觀音灘二里至思濟橋三十五里至

青江灘流入瀘州界不通舟楫

青江灘 在治南五十里

白雲溪 在治南三十里

赤山溪 在治東六十里溪水自銅梁縣六瀛

山發源經流四十里至縣屬普安場接流十五

里至沙河溪合流不通舟楫

沙河溪 在治東南七十五里溪水自玉口山

石谷發源經流十五里至沙河溪合赤水溪經

流五里至舊石壩交銅梁縣接流穿城東注涪

江合流不通舟楫

單石溪 在治南九十里溪水自玉口山下發

源經流五十里至烏龍灘交永川縣接流至銅

梁合灘合流東注涪江不通舟楫

綦江縣

牛心山 在治南五十里高一里北向無路

雞公嘴山 在治西南二十五里高半里周圍

二三里東向上有小路

老瀛山 在治東南二十里高一里北向無路

牛岡山 在治北十里高一里西向狀高聳若

牛形有路

朽石埡山 在治南一百二十里高一里東向

有路

龍登山 在治西七十里高二里南向有路

古劍山 上有東嶽廟掘基時得一古銅劍迄

今存

聖燈山 上頂有石其凹肖燈光明達旦今惟

間明下有石油流出取以點燈風雨不避

龍鳳山 上有玉皇觀

太公山 上有二石各立一峰其頭微俛若垂

釣狀故有大太公小太公名

龍遯山 相傳建文帝隱避曾住錫於此故名  
與文山 舊名寨子山楊酋破縣畱兵於此扎  
寨蕩平之後鄰士楊繼宸建議開縣謂演武修  
文故更名與文

綦江 在治前一自播州發源即今之遵義府  
經流桐梓縣坡頭河接流四十里至綦江趕水  
鎮三岔河合流一自桐梓縣松坎接流五十里  
至趕水三岔合流一自仁懷縣李漢壩接流六  
十里至趕水三岔合流三溪至此總匯故名三

岔又自三岔起順流一百一十里入南川縣南  
江口會合河名綦江通行小舟又順流四十里  
至綦江縣城環繞於左西入岷江合流東注其  
舟自南江口止上不通舟楫

砂溪灘 在治北三十里

馬腦灘 在治左一里

龍骨溪 在治東河岸溪水自老瀛山下發源

流五十里至縣東下渡與綦江合流不通舟楫

金沙溪 在治北對岸二里

南川縣

熊井山 在治南三里高二里南向上有井水  
味清鹹井掩無跡亦有小路可通

金佛山 在治東百餘里

來遊山 在治西七十里高二里通巴縣小道

鰲頭山 在治南一里高一里南向有路

九盤山 在治東十二里高三里東向無路

置燈山 在治南二里高二里北有小路通鄉

九遞山 在治東六十里高二十里東向無路

最高山 在治東南九十里高六十里北向形  
勢峻拔視衆山若培塿今荒無路

櫃崖 在治東南一百里東向峭崖壁立上有  
洞門中有一櫃今荒無路

水從山 在治西五十里高二里無路

奉恩山 在治西一十里高二里西向有小道  
通巴縣

馬嘴山 在治東五十里高三十里西向有小  
道通真安州

方竹箐山 在治南五十里高三十里南向有小道通桐梓縣

南江 在治南七十里一自水從山發源經流一百里至三溪口一自桐梓縣大丫增溪水接流五十里至三溪口一自桐梓縣乾溪溝接源經流十里至三溪口會合因此得名衆流會合五里至龍牀溪八里至綦市十里至南江口與綦江河合流今舟在綦市止其上不通舟楫  
流金水 係舊隆化縣南五里今距治北十里

挨四十八渡河邊流出黃泥澣水泥沉者色似硫黃因此得名

四十八渡水 在治東三十里兩山壁立一水灣環其中凡四十八渡穴如戶牖發源自馬嘴山下經流二十里至四十八渡右南側傍徑數百步湧一石臺形高七丈中有一洞名曰普濟洞出水洞前有石龍二遇歲旱請水輒應又四十里至流金水二十里至水東橋合流

三潮水 在廢隆化縣北五里舊傳早晚三潮

晷刻不差每潮則水下有聲如雷春夏分其潮  
倍常聲聞十里今石崩井掩潮亦不應

奉恩溪 在治西十三里水源發自奉恩山下

石谷發流遇多雨溪則有水遇旱斷流

孝婦泉 在治南門外泉極甘冷舊傳為孝婦

所感而出

黔江縣

酉陽山 在治東五里高二里西向有小路

羊頭山 在治西北二里高一里南向有小路

羽人山 在治東四百三十里高五里西向一

名神仙山無路

八面山 在治西三十里高四里東向上有池

四時不竭無路

狼山 在治東二里高一里西向無路

三台山 在治南三里高二里北向山若三台

星故名無路可通

柵山 在治西三十五里高六丈東向無路

小歌羅山 在治東北五十二里高二里西向

近北又有黃連大埡黃連小埡二山俱無路

武陵山 在治西九十里高六里南向天寶中

賜名荒山無路

青巖 在縣治內

二十五里巖 在治內上有二巖藏蜂產蜜

金雞箐山 在治西四十里高二里北向無路

可通

大木溪 自西北八面山下發源經流二里至

阮公橋一里至沙子壩與七十八溪合流

七十八溪 自梅子關發源經流四十里至縣

城沙子壩合大小溪又八里接酉陽魚灘六十

里至南溪五十里至龔灘合彭水出岷江

縣東小溪 自湖廣大唐崖司峽口發源經流

四十里至洞口鄉三十里合酉陽魚灘出彭水

下岷江

縣南小溪 水源自金雞箐山谷發源流三十

里至亭子關交彭水縣界接流五十里至郁山

鎮四十里至鹿渡三十里至彭水河合流小舟

通至郁山鎮上不通舟楫

合州

釣魚山 在治東隔江五里高二里西向上有

天池山南石坪有巨人跡相傳余玠徙城之所

純陽山 在治北山高一里南向唐女冠范志

立得道處

九煉山 在治北七里高一里東向相傳李伯

陽煉丹之所丹井丹竈石牀現存有小路

青石山 在治西二百四十里山高二里南向

漢高時巴屬爭界久而不決一朝密霧石爲之

裂破處直若繩引於是巴屬州治始判

龍多山 在治北一百里高二里東向無路

瑞應山 在城北隅高半里宋乾德中出有異

木生文成天下太平字魏了翁有記今廢

學士山 在城東隔江五里高一里昔有荔枝

異本合幹唐文若賦名學士山有小路通鄉

銅梁山 在治西隔江五里高一里北向上有

宿雲巖松風閣趙伯業讀書堂有小路通鄉

六羸山 在治西十五里高一里東向唐趙延之集義兵於此六戰六克因名有小路通鄉

巴嶽山 在治南十五里高二里東向有崐崙洞

臯陶山 在治西八十五里高二里東向古有臯陶廟因名荒山無路

鍾山 在治西南十里高一里南向  
龍透山 在治西三十里高二里東向

計都山 在治南三里高一里有小路通鄉

桂山 在治南五十里高一里東向

觀音山 在治東四十里高一里南向

新開山 在治東六十里高一里南向

聖燈山 在治西六十里高二里東向岸東夜

有光如燈

羅睺山 在治北五里高一里西向

崆峒山 在治東十五里高一里東向

雙山 二山相對一在大足縣東六十里一在

銅梁縣南五十里高二里許南向兩峯並峙無

路可通

珠玉山 在治南一百里高一里南向上有石瑩潤如珠玉因名

斜巖山 在治東北八十里高三里西向有石橫在巖腹如拖修帛巖下洞有龍湫旱禱有應今荒無路可通

武勝山 在治東五里高二里西向舊名飛龍峯元憲宗征釣魚城屯兵於此有小路通山九多山 在治東二里高一里西向無路

焦石山 在治北四十里高一里東向其山石色焦赤因名無路

麻油山 在治南六十里高一里南向土黑而潤山下有路

飛鳳山 在治城內儒學之右高半里西向形若飛鳳故名

冠子山 在治城內儒學之左高半里南向上有城隍廟形若道士冠

南峯 在治東七十里高二里東向是以爲峽

山之勝有洞深五里水伏流其下出爲大澗今荒無路

中峯 在治東南九十里高二里東向山環如盤上有寒泉名天池無路可通連合州界

白上坪 在治東北六十里有奇高一里西向地多梔子望如積雲今荒無路

宕渠江 水自巴州經流渠縣廣安州過岳池至合州界丹溪接流一百里至渠口州治東北與嘉陵江合流東注

嘉陵江 水自廣元經流保寧府閬中縣順慶府南充縣至李渡場交定遠縣界接流一百八十里至定遠縣城又自定遠縣順流十里至南溪口交州界接流一百九十里至宕渠江會合又十里至合州城東與涪江合流東注

涪江 水自桐梓經流潼川州射洪縣遂寧縣過白禪交安居縣界接流五十里至兜溪河三里至安居縣城十里至陽壽鋪交合州界又四十里至合州城東與嘉陵江合流東注

溫泉 在治東五十里自巴縣縉雲山發源一里半入大江

馬灘河 溪水自六羸山谷發源流四十里至大足縣普安場過赤水溪合流沙河溪仍入本縣舊石壩接流經東淮遠洞河六十里至縣西門入城流平淮溪半里與巴川河合流出城二十里至合灘十里至樓灘五十里至侯溪與涪江合流東注

東淮遠洞河 源出馬灘河

巴川河 自龍透山谷發源經流三十里至城北環繞縣前如巴字故名又流至縣東穿城過臨清橋半里至平灘溪下與東淮遠洞河合流東注

小安溪 在治南二十里自大足縣玉口山下發源經烏龍灘過永川界流至銅梁縣跳石溪接流五十里至合灘合流

悅池 在治西城內池水深丈餘清澈如鑑

苦竹溪 在治南二十里自寶泉發源流三十

里至永濟橋三十里至苦竹溪下嘉陵江不通舟楫

花石溪 在治東隔江二里發源由岳池縣至黃溪鋪交定遠縣界接流十里至此溪下大江合流不通舟楫

鹽灘溪 在治南十里發源由蓬溪至浴馬坪交定遠縣界接流五十里至倒石橋八十里至溪二里出南溪口下大江不通舟楫  
寶泉 在治南每天旱汲之可供千人

兜溪河 在治東北隔江三里發源自合州龍多山下山谷流出一百里至兜溪河下涪江合流不通舟楫

關箭溪 在治南城外自潼川州屬遂寧縣發源經流至陽馬橋交安居界接流六十里至縣南與涪江合流小舟自關箭溪通至陽馬橋而止

忠州

翠屏山 在治南隔江三里高二里北向一名

屏鳳山有大禹廟陸宣公祠姜維鑿井古蹟有  
小路可通

引藤山 在治南過江四里高二里北向出引  
藤可以汲酒

九亭山 在治東北六里高一里北向舊有九  
亭今俱燬

倚天山 在治東南隔江六十里高十里北向  
險峻有小路

白石山 在治西北七十里高三里北向山多

白石故名有小路可通

羊鳴山 在治東三十里高三里西向上有羊  
鳴觀因名今燬

雞公山 在治西北一百里高三里北向接墊  
江縣南以形似名有小道通山

折魚灘 在治東三十里有石嘴入江水勢甚  
激魚至此處折回故名

猴子灘 在治東一里

鳴玉溪 在治西北十里懸崖瀑布高五十餘

丈自劉家溝田冲發源溪流十里轉下大江不通舟楫

黃華洲 在治東二十里

姜維泉 在治南二里屏風山下漢姜維所鑿有碑記漫滅有小道

曹溪 在治北一百里自袁家溝田冲發源一十五里至溪口與大江合流不通舟楫

黔江 在治前源出黔州因名經酉陽司出彭水武隆縣凡五百餘里至涪州東合於岷江經

酆都至忠州經五十八節名灘與施州江合

酆都縣

石龜山 在治北五十里高一里南向無路

平都山 在治東北一里高一里南向即道書

七十二福地之一紫府真仙之居王方平得道處上有五靈樓

雞公嘴山 在治東北三里高二里南向無路

大鋒山 在治東隔江五十里高五里北向無路可通

固城山 在治南過江七十里高五里北向無路可通

燈盞窩山 在治西七十里高四里南向無路

火峯門山 在治東隔江六十里有奇高四里

北向無路

紅花山 在治南隔江三十里高六里北向無

路可通

金盤山 在治北三十里高二里有奇西向形

若金盤故名無路可通

白鹿山 在治西一里高一里東向白鹿鳴於

上有路通山

青牛山 在治東二里高一里南向形若青牛

故名有路通山

礬石灘 在治西南二里

大江 上自涪州匯黔水順流而下由縣前下

忠州東注

龍停溪 在治東二十里溪水自改河壩山谷

發源起十五里至古家田壩下大江合流

靈泉 在平都山景德觀內水味甘冽相傳為王方平所鑿清濁增減與江相應

墊江縣

將軍崖山 在治東南十五里高二里東向路通長壽

璧斗山 在治北三十里高五里西向路通梁山

望月山 在治南五十里高二里西向其形若牛望月故名無路可通

曲尾山 在治東南六十里高一里西向荒山無路可通

石人山 在治西二十里高二里東向荒山無路

白龍洞山 在治西十里高三里東向荒山無路

三河口 在治東自永安門起二十里一水自石人山發源經流二十里一水自白龍洞山發源經流二十里一水自將軍崖山發源經流五

十里至何公橋俱匯三河口合梁山水出高灘溪河合流

高灘 在治東南五十里溪水自梁山縣經流至墊江縣界穿壁斗山接流四十里至高灘溪又五里至惠民橋三十五里穿高洞接長壽出龍溪入大江合流

涪州

北巖山 在州治隔江之北河崖上三里高半里南向昔有王真人修煉於此卽伊川普淨院

註易之所舊有鉤深堂四賢樓今皆燬荒山無路

合掌山 在治西北隔江五里高一里南向二山對合如掌下有毛家泉一日三潮旱禱輒應有小路通山

龜山 在治西十里高二里東向路通長壽

鐵櫃山 在治北過江五里高十丈餘形如鐵櫃故名西向有小路通山

五花山 在治西過江二十里高五里五山排

列如花北向荒山無路

望川山 在治西南五里高三里東向路通南

山

遊蘭山 在治東七十里高三里北向昔有蘭

真人修煉於此故名有小路可通

下壁山 在治西五十里高五里南向路通長

壽

許雄山 在治南名五里牌有誓虎牌雙峙漢

時建

飛龍洞 在治西六里其洞無水高三丈荒山

無路

白龍洞 在治南五十里其洞無水高一丈荒

山無路

黔江 自貴州省黔州發源至沿河司交四川

酉陽司界接流五十里至酉陽城子頭七十里

至龔灘十五里至鹿角鎮交彭水縣界接流一

百里至縣城二十里至木棕灘三十里上新灘

十里至鹿角灘十里至石蛇灘十五里江口鎮

交武隆縣界接流一百二十里至關灘五里至  
縣城五里至石牀灘十里至白馬灘交涪州界  
接流一百一十里至涪州城東與岷江合流東  
注豐都縣會忠州下流夔州出峽

岷江 發源岷山經嘉敘瀘過巴縣匯嘉陵江  
至長壽經涪州合黔江過忠州下夔州出峽

橫石灘 在治西二里後漢岑彭破公孫述將  
侯丹於黃石卽此俗名二石

銅柱灘 在治東一里涪陵江寰宇記馬援欲

鑄銅柱於此此北十一里高半里西向今流

歇神灘 在治北州前向傳張桓侯被刺其首

漂流至此歇一宿去雲陽土人立廟祀之

羣猪灘 在治東十里水落見羣石如猪

百汧灘 在治東五十里

錦繡洲 在銅柱灘下水落則露一名沙洲

羅雲溪 在治東五十里自羅坭水洞發源經

流六里入大江合流

彭水縣

龍橋山 在治東五十里高二里形如龍下有  
空洞南向荒山無路

鑽天山 在治北三十五里高十里西向路通

豐都縣

七龕山 在治北二里高半里上有七穴東向

有路通山

青雲山 在治東北五里高一里南向有小路

通山

石尖山 在治北十一里高半里西向今荒無

路

筆架山 在治南二里高一里勢列如筆架北

向路通真安

登春山 在治南隔江七十里高五里向東荒

山無路

老鷹寨山 在治東二里高五里向北山形如

鷹

獨勇寨山 在治東二十里高五里向西山險

峻無路可通

歌羅山 在治東北三十九里高四里向西無路可通

伏牛山 在治東二百四十里左右有鹽井

壺頭山 在治西三里高二里向東有路通山

摩圍山 在治西二里高一里向東道家以爲

洞天福地上下有龍室牀太宗時慶雲現呼爲天圍無路可通

二十盤山 在治西二十里高五里向東無路可通

南陽山 在治西南隔江二里高二里向北唐置洋水縣因名有路通山

甘山 在治東七里高三里向南奇峯秀嶺清泉茂樹可愛有路通山

東山 在治東三里西向無路可通

惡崖 在治南八里高三里向南有路通山  
側坡 在治北十五里高四里向南

水梭灘 在治南下水二十里

上新灘 在治南五十里

鹿角灘 在治南六里

石蛇灘 在治南七十五里水勢甚險

關灘 在治東五里兩山排列中多巨石飛湍  
激怒聲震如雷

石牀灘 在治西五里

白馬灘 一在涪州東一十二里一在武隆西  
一十五里灘石形如白馬

黔江 在縣治前上自彭水縣江口鎮接流下  
至涪州合岷江東注

黔江 在治前上自酉陽司接流一百里至縣  
前又八十里至江口出武隆縣下涪州合江

欽定古今圖書集成方輿彙編職方典

第六百八卷目錄

重慶府部彙考二

重慶府山川考二

重慶府城池考

重慶府關梁考

職方典第六百八卷

重慶府部彙考二

重慶府山川考二

府志未載山川

江津縣志

鐘山 在縣東十五里以形名

插旗山 在縣東三十里

四覺山 在縣東三十五里

九盤山 在縣東四十里路轉九折而上

金紫山 在縣東四十五里日出雲紅黃或云  
上有金紫光祿大夫墓

龍門山 在縣東六十里兩峯如門故名

白虎山 在縣東六十里上有白石如虎

兜鍪山 在縣東七十里以形名

二賢山 在縣東以毋雅石公恕先後居此

虎腦山 在縣東七十里上有杜萃老石刻

駱來山 在縣東上有陽照峯極高感勇峯秀

峻如筆溪水一派遶其下而本山之形如駱駝

官山 在縣東八十里上有大塚名爲官子墓  
制度弘敞巧麗因名

燕尾山 在縣東八十里山分兩股狀如燕尾

鳳冠山 在縣東百十里形如鳳冠高下序列

西山 在縣東一百二十里石壁上刻有古人

終古礙新月半邊無夕陽之句

雙山 在縣東百二十里二峯突起青翠可人

石屋山 在縣東南百二十里山極峭上有石

巖如屋

香爐山 在縣南二十五里

頂山 在縣南四十里山頂平正

金鳳山 在縣南五十里形如飛鳳

馬鞍山 在縣南五十里以形名

聖燈山 在縣南相傳石隙有夜光如燈

紫金山 在縣南八十里

文筆山 在縣南一名感勇峯二峯如筆

陽照山 在縣南一百一十里

月行山 在縣南一百一十里其形如月

中山 在縣南一百二十里四山環之

犀牛山 在縣南一百二十里形如牛臥

大堖山 在縣南一百二十里高峯聯峙僅通

一堖爲路正德辛未副使李鉞破賊方四于此

虎頭山 在縣南一百二十里

四望山 在縣南一百一十里山四面皆如屏

三華山 在縣南一百三十里二峯特起如華

牛心山 在縣南一百五十里

青山 在縣南一百五十里

常樂山 在縣南一百六十里

馬駿山 在縣西十里以形名

鶴山 在縣西二十里上有仙鶴池邑封御史

楊濟之莊居于此因號鶴峯

五臺山 在縣西三十五里連互五臺

蓮花山 在縣西三十里

遊溪山 在縣西唐刺史趙延之曾遊此

周望山 在縣西六十里邑人龔懋熙有記

樓臺山 在縣西八十里邑叅議陳渭世家其

側上有觀音閣渭扁樓峯書院遂以自號

同心山 去縣西九十里相連山腰各有流泉

流出合一知縣楊元吉刻石室煙霞字

張公山 去縣西一百里相傳昔有張姓者據

險於此上有古城井田

登雲山 去縣西一百二十里

草墩山 去縣西一百三十里

人高山 去縣西一百三十里絕頂有石如人

營盤山 去縣西一百三十里正德辛未流賊

方四屯兵于此尋敗去一在縣南二十五里周圍峻絕中如砥平古屯營之地正德庚午破賊方四都憲林破賊曹甫屯兵于此

寶鼎山 去縣西一百三十里上有三石如鼎正德中鄉耆鄧剛率衆築爲寨盜不敢侵

銅鼓山 一在縣西一百三十里與插旗山相對一在縣南一百里上有石如鼓

游心山 去縣西一百三十里溪山之間一峯孤峙草木禽鳥可人上刻游心山三字有銘

鐵山 去縣西二百里石色如鐵

銅鼓箐 去縣西三百里

寶屏山 去縣西南一百五十里高極千仞平

正如屏石壁五石左右螺髻二山有顛石獸

凌躡山 在縣西南以山最高登者如凌雲

雲鳳山 去縣北四十里

岫雲山 去縣北十五里

澣溪 去縣北二里

白淘溪 去縣南三里入江

渡頭溪 在縣北三里入江

磨刀溪 或名毛桃溪以聲相似而訛稱一在

縣南三里一在縣西三里皆入江

水桑溪 在縣東二水合流入江又名雙水

雞公尾溪 在縣西五里

三會溪 在縣西十五里俗名大深

雙漩子溪 在縣西十里雙扇門下水勢奔湧

成雙漩

傍鹿溪 在縣西北十五里發源華蓋老龍池

曲流入江

赤巖沱 在縣西二十里

張孝溪 在縣南十五里

麻子溪 在縣南二十里七孔山下

南江河 源自播州經綦江至南江口入江舟

楫通焉

柘溪 在縣東三十里

狀元溪 在縣東三十里又名堯渡

楊壩 在縣東一十二里

九龍溪 在縣北四十里

石鼓溪 在縣東四十里

金子溪 在縣東五十里

寶珠溪 在縣西南五十里入江舊傳夜有光

一夕風雷破山龍奪珠而去

寶羅溪 在縣東五十里入棘溪

青石尾溪 在縣東六十里

青泊溪 在縣東六十里

麻冲溪 在縣東七十里入笋溪河

九牛溪 在縣東七十里

石龍溪 在縣東七十里

吼溪 在縣東八十里石梁東入其聲如雷

五岔溪 在縣東八十里即綦江河也一分為

五脈流為一

清水溪 在縣東八十里入南江口

後溪 在縣東南八十里

濺溪 在縣東南八十里

智溪 去縣九十里入棘溪

渝子溪 去縣九十里入河

梨子溪 在縣西源自長池人高合流入江

張村溪 在縣南一百里自燕尾發源逆流二

十餘里入江

碓溪 在縣西一百三十里入江

三渡水 在笋溪河屈曲必三渡而後達

龜子溪 在縣東南一百五十里中流有石如

龜入笋溪河

榆溪 去縣一百五十里入江

糯米堆 在縣西五十里

黃石龍溪 在漢東

清溪 在縣東南一百二十里

九漑溪 有董公黑石金釵虎子諸名

九渡水 在縣西一百三十里一水九曲

倒流水 在縣西一百五十里

五脉水 在縣西一百五十里

月沱 在縣東南一百五十里其形如月

黃沙溪 在縣南二百里

線水 石隙中有水如線出甚旱不竭

江杯溪 在縣西二里大江側石盤磅礴鑿渠引水爲九曲碑刻磨滅莫考其方冬春之交遊人泛觴遊樂踰月則漲沒矣

老龍 在華蓋山上世傳龍穴于中履之則地動

官塘 在縣北四十里廣袤二十餘畝

長池 在縣西七十里石生一池水四時清冽

蓮池 在縣東南三十里廣袤一十餘畝

### 長壽縣志

雲臺山 在治北一名安樂山上有雲臺觀

白龍山 在治北雪庵和尚隱此

西山 去治西三十里嵯峨回複連峰疊嶂延袤數百里爲縣治祖龍

龍寨山 在治南秋容可掬八景載龍寨秋容靈尖山 去治北四十里孤峰特立亂世邑人居此一名麟潛山

奶山 去治北四十里雙峰對峙幾如天目山

前兩乳也

黃草峽 去治東十五里水經注江水又東經黃葛峽山高險無人居益州記涪州黃葛峽今名黃草峽山草多黃故名通鑑大曆四年涪州守促使王守仙伏兵黃草峽即此古樂溫歸並涪州故以涪州名今屬長壽縣俗名黃草山相思崖 在黃草峽上崖產相思竹竹連理若桃釵之形今絕種矣見益州記及涪州古志集仙山 在治北

巾子山 在治北十里

金盤山 在治西

扁巖寨 地險可守與天臺漏明並列為三

青煙洞 去治西七里龍溪內雪庵和尚曾遊

此一名清淵洞

仙女洞 去治西北九十里舊傳有仙女棲此人或聞笑語聲其形卒不可得而見也

三江灘 去治東五里三江相接中有沙洲為鷓鴣鷗鷺棲息之所

白頭灘 去治東五里龍溪河入大江處灘水湍悍行舟難進取太白黃牛峽詩三朝又三暮不覺鬢成絲之意故名

龍溪 發源老龍洞逶迤入江俗名龍溪河  
松柏灘 靖難時雪庵和尚隱此

榮昌縣志

寶珠溪 去治南四十里唐貞觀時漁人郭福夜捕魚見水際有光即之有蚌如斗剖之得珠徑寸獻之太宗賜以積善碑

單石溪 在治南九十里玉口山下石谷發源  
涪州志

鷹舞山 去治南五十里每年三月有羣鷹數百翔舞其上其年鷹多則歲豐上有古刹碑記  
遊藍山 在治東南昔藍真人修煉于此故名  
鳳凰山 去治南七十里上有龍泉形如鳳冠  
三華山 去治東九十里

孩阜山 在治西  
黃草峽 去治西六十里

分水嶺 去治南八十里

鐵江河 去治北一百里流出長壽界

漁溪河 去治西六十里

飛水洞 去治西六里

白龍洞 去治南五十里

石鼓溪 去治西五里

梨鄉溪 去治西六十里

龍王沱 去治西二里

彭水縣志

午風山 在城內林木葱蔭石磴曲折上建長

壽寺每夏月當午清風徐至邑人多憩息其上

獨秀山 在城東北一峯高聳岡嶺環列明萬

曆時建浮圖于嶺上天啓時常建學宮于桂嶺

至今泮池櫺星門尚存

琴山 在城西壺頭山下其形如琴故名

插旗山 在城西南黔水遶其前山峯聳翠形

如插旗

萬壽山 在城北一名高峯五嶺峙其後九曲

遶其前上有真武觀玉皇閣茂林修竹臺榭可觀為一邑之勝槩

鳳鳴山 在城北其峯曰朝陽峯巍峩高聳特出諸山之上舊名騎龍山今改鳳鳴

石花巖 頂連摩雲石巘如花晚霞返射光彩燦然將晴則光鮮明將雨則光闇淡八景之一

蟠龍山 在城西石華巖後勢如蟠龍

臥佛巖 在城西江邊巖上有穴穴中有石如老僧偃臥其中

櫃子巖 兩崖屹峙峭壁摩天郁水經其下巖

上有三穴穴置木櫃各一上下懸絕千仞人跡不能到留傳數千百年莫知所創始明季時一

千總入黔江以砲損櫃之一角內有白翎毛飛出乃止邑人常泛舟遊於巖下八景之一

望中山 去縣東十里黔郁通衢登高一望城郭廬舍皆在目中

借穀山 山高千仞上有洞相傳為山神所居每遇歲饑土人與神借穀攀藤附葛能陟險者

始可至後有還以秕者神怒斷藤不可復借

十二盤山 山形盤曲故名相傳上有洞內貯

金銀有人欲取之蜂蟒環繞風雷驟至明嘉靖

中有杜柳池者居洞傍每日掃地得銀數分僅

供日用後有借其金銀器設醮供神者醮畢欲

不還鬼物夜號其門詰日視之器已不見土石

崩溢洞門填塞不復識

南望山 去縣北五十里四圍絕壁僅通一徑

中有平原可以耕植居民常避兵其上

半月山 去縣二十里形如半月

湧泉山 山頂有清泉湧出雖大旱不涸

龜池山 山形如龜四面平原上有桂樹秋發

黃花冬開赤花有池去山二三里將晴則水碧

將雨則水混將雪則水黃居民每以卜晴雨

游龍山 去城東北五十里山形逶迤橫互勢

如游龍林木葱蔚歲寒不彫

翠屏山 與游龍山對峙草木青翠形如列屏

鳳凰山 郁鎮主山也山巒秀麗狀如飛鳳與

伏牛山對峙山麓有井曰丹井相傳黃山谷煉丹于此石刻猶存

清明山 去縣東北八十里與中路土司分界鳳池山 山高數千仞四圍峭壁陡絕壤接唐

崖沙溪諸土司居民嘗據此為險  
印星巖 去縣城四十里上有題名

瀑布巖 在鹿渡灘下懸瀑千尺如白練掛空  
馬巖 巉巖千仞俯臨大河以羊腸鳥道紆繞

于危巖峭壁間鑿石為徑僅可容步其石磴懸絕架以木梯攀鐵索而上巖左有大穴居民常避士兵於穴內者八十餘家

五婦嶺 在城北相傳文昌帝君煉藥摩圍洞中五婦朝夕侍奉後化為五嶺因此為名

鳳凰峽 今縣治建其上以形如鳳翅故名  
方石峽 在城西北峽內有石其形方正故名

門扇峽 峽內兩石相對其形似門故名  
鹹山峽 去縣西四十里相傳峽內有鹽井峽

口尚有煎鹽舊址

文秀峽 在縣城東北

摩圍洞 洞在雲頂峰世傳文昌帝君奉親修煉於黔中摩圍洞爲蜀山神八十二化之一  
山神洞 洞在麻油灘之上峭壁千仞林木稠密昔有土人趙某者樵於山偶入洞中見二老圍棋旁有鐘擊之以石響若雷震趙耳遂聾今舟經洞下間聞鼓吹聲其神最靈人不敢犯  
老龍洞 洞在採芹城側極深邃清流自洞中湧出相傳有龍居焉土人採藤於山見龍盤臥

洞口頭角崢嶸鱗甲光耀少頃徐入洞云

壁風洞 在城北洞臨郁水明建亭以避暑風從四壁而來雖盛夏無暑氣洞中几凳猶存

黔水 發源黔省經酉陽司南來繞縣城轉而西流方輿記曰黔江經彭水達涪州卽此

郁水 發源楚省唐崖諸土司經郁山鎮而繞縣城之右與黔水匯于萬壽山前曰兩河口兩山之麓石齒交錯水折西流形如戶檻

木洞江 發源中路土司匯郁水經縣城之右

長溪 一名九曲河在萬壽山前溪流九曲盤旋每遇水溢邑人常泛舟遊詠八景之一  
梅溪 溪流曲折夾岸梅花香聞數里溪畔有穴泉水清冽每春月時雨小魚自穴中而出味尤肥美溪口有石梁跨其上曰龍橋

清水溪 水自石洞中出相傳神龍居焉冬夏清徹可鑑毛髮故名昔黔江蔡貢生客京師與一老人同舍生歸老人予以一簪曰持此扣清水溪洞門可入也幸爲我寄書焉生至扣之洞

開則朱門綠戶畫棟雕梁如王侯第宅一老嫗出迎宴之以酒水陸備陳非人間常味乳犬在旁美甚生索于嫗欣然與之甫出洞則轟雷震耳犬入地中隨有清泉湧出名曰狗泉  
麻油灘 去城東五里浪濤洶湧澎湃如雷舟不可達縣鎮往來必易舟以濟

鹿渡灘 在城東兩崖無蹊逕郁水最險者

新開洞灘 在城東久雨山崩擁石成灘

聳洞灘 縣城南十五里左右山峯形如筆架

高聳插天巖上有小洞洞口窄小內平敞深邃  
灘在犀角斗巖之下

沿灘 去城南五十里

龐灘 去城西二十里

下沿灘 去城西三十里

木欒灘 去城西五十里有新舊木欒相去數  
里康熙十七年三月二日山石崩裂成新木欒  
舊木欒之勢稍減每冬月水涸灘險尤甚  
四十八渡水 兩山對峙一水紆繞凡四十八

渡其源上達于真安州

南渡沱 在城南渡口金鰲沙伏於下流

北津沱 在城北渡口郁水將匯入大河沱有

沙磧堆阜以塞下流曰中堆

白鶴灘 在城北淺沙輕浪如白鶴飛舞故名

灘在郁水小河之口每春月桃花水泛大河之  
魚逆水騰躍而上漁人利焉

三潮水 去城西五里臨于大河每日子午酉

三時山谷隱隱如雷聲水自石罅中湧出如海

水之潮汐焉舟行遇之則吉八景之一  
溫塘 在城南甘山之麓其水冬夏俱熱人語  
喧笑則其熱如沸相傳病疥者浴之即愈  
餘各州縣志缺

重慶府城池考

府志

本府 巴縣附郭

重慶府城池 石城明洪武初指揮戴鼎重建

崇禎中為獻賊燬壞至康熙二年總督李國英

督兵將補築完固外高二十丈內腰牆高六尺

周圍一十二里六分腰牆二千一百二十六丈

梁口三千四百九十梁門一十七太平出奇金

子南紀通遠臨江千斯朝天東水以上九門現

開仁和鳳凰金湯定遠洪崖福興即西水門翠

古今圖書集成  
一  
微太安以上八門未開

外州縣

江津縣城池 石城明成化中同知莫琚修高二丈六尺周圍一千三丈八尺爲九門南安東阜迎恩西鎮以上四門現開北固通市嘉會臨江德威以上五門閉明末鄉紳刁化神增修長壽縣城池 無城垣三里半按通志土城永川縣城池 石城明成化中同知莫琚知縣劉鳳築高一丈五尺周圍四百丈門六仁惠義

正阜民嘉惠文明武德

榮昌縣城池 石城明成化中同知莫琚知縣

譚林築高一丈五尺周一千丈門四南和東泰北謐以上現開西寧未開外環以濠

綦江縣城池 石城明成化中主簿宋璧重修高一丈一尺周四百九十丈門四迎恩柔遠永川以上三門現開偃武未開萬曆中盜賊楊應龍破尋復

皇清知縣李秉直捐貲重修

南川縣城池 明成化中知縣劉斐始築土城外高一丈二尺周三里五分門四東門西門南門北門外環以濠

黔江縣城池 石城明洪武知縣盧祥砌高一丈一尺周三里五分門四領彝向東宣化永遠外環以濠

合州城池 石城明成化中知州唐珣重修高一丈七尺周二千九百二十二丈門十二廣濟會江阜民觀德望江洛陽瑞應迎恩以上八門

現開演武修文迎暉安遠以上四門未開萬曆三年知州史修移治瑞應山麓

忠州城池 石城明洪武中調長沙衛軍築高二丈周圍五里三分門五修文修政懷忠懷賓賦清

豐都縣城池 石城明天順中知縣柴廣築弘治中知縣李毅明重修高二丈周六百丈門五宣化迎恩會川陽和屢豐

墊江縣城池 石城明成化初知縣楊端築高

一丈九尺周一千丈門四人和大定太平末安  
 涪州城池 石城明成化中砌高一丈八尺周  
 四里門五東門西門南門北門小東門  
 彭水縣城池 石城高一丈二尺周二里門四  
 曰東門曰西門曰南門曰北門

重慶府關梁考

府志

本府 巴縣附郭

佛圖關 在府西十里為重慶要隘

銅鑼關 在府東二十里

二郎關 在治西北六十里

青木關 在治北六十里

儒林橋 在府西四十里

善會橋 在府北城內忠孝坊

白節橋 去治南八十里

古今圖書集成  
一  
遇仙橋 在治西南

蹇家橋 在治東十里

響水橋 在治南

江津縣

崖門關 卽鴈門關在縣南二百里僞夏明氏築關以爲壘關北屬江津關南屬播州關內地自洪武來民死兵戈背鄉井爲無人境拋糧三百七十石皆笋溪里甲賠納正統中里者龔秉和以事聞例拘不果自是糧仍里甲分賠而地

爲流亡淵藪矣然地雖有界民無適主天順以來播中彝酋招其民入關三十餘里地與民皆播州主之弘治中里民陳詞高都御史委主簿高厚往勘上下納播州之賄所謂荒田冊地理圖者俱不一目以地併民俱屬播可爲一嘆此關適播州之總路正德庚午辛未盜之往還皆自此出而播州之彝因而標掠亦自此出邑人以事達於林都憲何副使將命官勘理界限復立此關軍務繁劇中止

大通橋 去縣西六十里

馬駿橋 去縣西八里

德明橋 去邑西七十里

續昌橋 去邑南三百里

太平橋 去邑西北七十里

文明橋 舊名小石橋嘉靖辛卯邑民龔自誠

郭仲卿醵金修建庠生周魯記

長壽縣

興賢橋 去治西一里係大江灤水無源

新橋 去治東半里其水與桃花洞源同

遇仙橋 在學右今圯

悅來橋 在治東

海棠橋 去治北八十里其溪水係雲臺山下

山谷發源經流七十里至高洞合流二十里至

龍溪河下大江合流

葛南橋 去治北五十里

沙河橋 去治北六十里

永川縣

迎恩橋 在治東五里溪水自箕山發源流四十里至迎恩二十里至惠民橋七十里至猪羊溪下江津大江合流不通舟楫

惠民橋 在治南一里

殷家橋 在治西二里溪水自桂子山谷發源流三十里至殷家橋二里至惠民橋合流不通舟楫

雙石橋 在治西二十里溪水自大足縣玉口山下發源流五十里至馬龍灘交末川縣界接

流五十里至雙石橋又六十里至跳石溪交銅梁縣接流五十里至合灘河合流東注下涪江不通舟楫

末濟橋 在治內

躍龍橋 在治西去城一里

通濟橋 在治南

相公橋 去治西一里溪水自溫湯峽口發源過相公橋流三十里至馬坊橋六十里至鬪牛石與來鳳橋溪水合流下大江不通舟楫

拱秀橋 在治南門外

演武橋 在治北門外

迎恩橋 去治東半里溪水自溫湯峽口發源

流二十里至迎恩橋九十里至鬪牛石與馬坊

橋合流下大江不通舟楫

來鳳橋 去治東南二十里

馬坊橋 去治西南九十里

榮昌縣

朝陽關 去城東一里

思濟橋 去治南二里

清平橋 去治東二十里溪水自縣東青松山

下發源經流二十里至清平橋又十五里至觀

音灘河合流不通舟楫

靖樂橋 去治南二十里溪水自縣南馬鞍山

下發源經流十五里至靖樂橋又十五里至觀

音灘河合流不通舟楫

永利橋 去治東五十里溪水自縣南慶雲山

下發源流一十五里至永利橋又五十二里至

觀音灘河下合流不通舟楫

東郭長橋 去治東四里溪水自順慶府安岳

縣石羊場接流起十五里至東郭長橋三十一

里至流虹橋二十里至路孔河交榮昌縣接流

入瀘州界不通舟楫

流虹橋 去治東三十五里

化龍橋 去治東十五里溪水自縣東巫林山

下發源經流十里至化龍橋又三十里至東郭

長橋河合流不通舟楫

濟民橋 去治南五里溪水自艾山下發源經

流十二里至濟民橋十八里至東郭長橋河合

流不通舟楫

綦江縣

趕水關 有巡檢司今裁

孝感橋 去治南六十里紹興間有里婦隨姑

過溪其姑墮水婦即赴救漂至灘下忽若有人

扶出姑婦俱得全活故以名橋

魚梁橋 在治南三十五里魚梁渡之下知縣

拱秀橋 在治南門外

演武橋 在治北門外

迎恩橋 去治東半里溪水自溫湯峽口發源

流二十里至迎恩橋九十里至鬪牛石與馬坊

橋合流下大江不通舟楫

來鳳橋 去治東南二十里

馬坊橋 去治西南九十里

榮昌縣

朝陽關 去城東一里

思濟橋 去治南二里

清平橋 去治東二十里溪水自縣東青松山

下發源經流二十里至清平橋又十五里至觀

音灘河合流不通舟楫

靖樂橋 去治南二十里溪水自縣南馬鞍山

下發源經流十五里至靖樂橋又十五里至觀

音灘河合流不通舟楫

永利橋 去治東五十里溪水自縣南慶雲山

下發源流一十五里至永利橋又五十二里至

觀音灘河下合流不通舟楫

東郭長橋 去治東四里溪水自順慶府安岳

縣石羊場接流起十五里至東郭長橋三十一

里至流虹橋二十里至路孔河交榮昌縣接流

入瀘州界不通舟楫

流虹橋 去治東三十五里

化龍橋 去治東十五里溪水自縣東巫林山

下發源經流十里至化龍橋又三十里至東郭

長橋河合流不通舟楫

濟民橋 去治南五里溪水自艾山下發源經

流十二里至濟民橋十八里至東郭長橋河合

流不通舟楫

綦江縣

趕水關 有巡檢司今裁

孝感橋 去治南六十里紹興間有里婦隨姑

過溪其姑墮水婦即赴救漂至灘下忽若有人

扶出姑婦俱得全活故以名橋

魚梁橋 在治南三十五里魚梁渡之下知縣

徐榮建義民李文燦重建詹勝之重修今圯

廣濟橋 在聖果寺前

萬壽橋 在治南四十里魚梁河黔蜀通道山

溪多派合流迅疾屢修屢燬崇禎十二年一僧

斷手誓建鑿穿石瘠控爲六洞功歷三年乃成

因名

南川縣

冷水關 去治北一百里高十里交涪州界

鎮江橋 去治南十五里溪水發源自方竹箐

山谷起流三十里至雀屎崖塘十里至鎮江橋  
十五里至熨水橋又二十里至水東橋五十里  
至涪州大溪河合流不通舟楫

熨水橋 今毀

水東橋 去治北四十里

黔江縣

梅子關 去治西三十里高一里向東路通彭

水

亭子關 去治西一百一十三里路通彭水

石勝關 去治東五十里

老鷹關 去治東三十里至今把隘

石牙關 去治東七十里至今把隘

白巖關 去治西六十里見今把隘

阮公橋 去治西一里

龍橋 去治南五十里旱橋無水

合州

長春橋 去治北二里天雨成溪

石鼓橋 去治東三里溪水自銅梁南峰山谷

發源六十里至石鼓橋下大江合流不通舟楫  
鳳西橋 去治西七里溪水自煉山谷發源五  
十里至落陽溪下大江合流不通舟楫

臨清橋 在治北城內

浴溪橋 去治西四十里自中峯山發源十里  
至浴溪橋又五十里至樓灘合流

武勝橋 去治北三里發源由蓬溪縣至乍石  
灘交定遠縣界接流三十里至橋下五里至大

江不通舟楫

永濟橋 去治南十里

烏木橋 在治西城內自龍透山田溝水發源

經流二十里至縣穿城過烏木橋出城至涪江

合流

忠州

嚴顏橋 去城東半里出山谷雨下則有此溪

折桂橋 在治南城內溝澗多雨水從此出

天生橋 在治東城外有石渠長三丈似橋因

名

豐都縣

沙子關 去治南二百里

總真橋 在治北平都山下

天仙橋 在治東白鹿山發源流三里至長壩

子下大江合流

墊江縣

何公橋 去治北一里溪水與三河口同源

惠民橋 去治南三里源同高灘溪

涪州

望州關 去治南七里都諫劉秋佩碑記

白雲關 去治西南七十里劉黃門建有碑記

瑞麟橋 去治西一里

永安橋 去治南三里與吳公溪同源

會同橋 去治北十里

通仙橋 在治西相傳白鶴仙人曾過此

洗墨橋 去治西五里又名黃艤沱昔山谷題

味遊此有野史夏可洲碑記

通濟橋 去治東五十餘步

清溪橋 去治西五里

彭水縣

亭子關 在邑城東北一百里黔江縣界

白巖關 在縣城東北八十里中路沙溪司界

大池關 在縣城東七十里酉陽司界

福慶橋 去治南一里溪水自東山谷發源經

流三里至橋下一里入大江合流

懷遠橋 去治南二里

天生橋 在龜池衆水會處有石橋跨其上形

勢天生因名

龐公橋 在郁鎮街中明時建

府志未載關梁

江津縣志

大中橋 在縣西一百五十步今名楊師橋

寶羅橋 在寶羅溪

石灰橋 在華藏寺

駱來橋 以駱來山名

濺溪橋 在登龍山下

姚四橋 在樓臺山下

萬師橋 在石漑以上六橋俱義官鄭重建

笋溪橋 在縣南一百里

高湖橋 在縣東一百三十里

永濟橋 在縣西十里教諭張錄有記

傍鹿橋 去縣西十三里川省通衢舊有橋為

水所沒嘉靖乙未邑耆杜茂同僧隆寅隆泰等

醵金重建壘巨石覆以瓦屋甚堅且久旅人德

之邑監生李廷春記

九龍橋 在九龍鋪

通遠橋 在縣東三里

渡溪橋 在石錠鋪

廣濟橋 在縣東四里

梅溪橋 在梅子溪俗名龐家溪

嘉惠橋 在縣西三十里

吼磴橋 在縣南一百里

通道橋 在五岔之右邑人鄒魯記

飛龍橋 在縣南八十里成化中重建

杜市橋 正德中建

雙石橋 在縣南二十里

凌遠橋 在縣南十五里由貴播官道昔係土

橋一雨輒濘嘉靖癸巳僧人正松同鄉耆劉彥

彬等修建石橋三洞邑庠生曾志信記

惠遠橋 在縣南七十里鄒魯記

椽橋 在縣東七十里

宋公橋 在油溪當要路舊土橋水溢則行人

病涉主簿宋秀清率民建石橋一所計三洞邑

人楊彝記

會通橋 在縣一百里陳渭有記

中渡 在熨溪驛前

上渡 在黑龍磧

熨溪 在南江口

白渡 在白渡驛

牛渡 在縣東一百五十里

石門 在石羊驛下

五臺 在石羊驛上

傍鹿 去縣十五里

周渡 在縣東四十里

漢東 在漢東驛

陳渡 在縣東四十里

長壽縣志

清風橋 去治北四十里

豐樂橋 去治北四里

杜舟橋 去治北十五里一名萬古橋邑人古

照然建康熙三十六年知縣劉若鼎重修

積溪橋 去治西二十里

張雄橋 去治西十五里今圯

冉師橋 去治東北十里邑人冉姓建故名康熙三十四年知縣劉若鼎重修橋上為屋十二

間以瓦覆之行人得憩息焉

納溪橋 去治北三十里

彭水縣志

統境關 去縣城東五里康熙七年設立千總

汛防關隘

二峯關 在縣城北

黑門堡 在縣城東北唐崖司接壤設立把總

防汛

遇仙橋 在縣城南

鹿渡橋 在鹿渡灘

龍橋 郁水之源高百仞兩山對峙中有石岡

跨其上故名

雙龍橋 在木棕灘萬曆初樂文偉造

餘各州縣志缺



